



DECRETO

Tras ver a proposta do deputado delegado da Área de Innovación, Participación Cidadá, Mocidade e Deportes, a teor do seguinte texto:

“ANTECEDENTES

PRIMEIRO. O Real Decreto 4/2010, de 8 de xaneiro, polo que se regula o Esquema Nacional de Interoperabilidade no ámbito da Administración Electrónica veu a regular, no seu artigo 12, o uso de infraestructuras e servizos comúns e ferramentas xenéricas obrigando ás administracións públicas a enlazar aquelas infraestructuras e servizos que poidan implantar no seu ámbito de actuación coas infraestructuras e servizos comúns que proporcione a Administración Xeral do Estado para facilitar a interoperabilidade e a relación multilateral no intercambio de información e de servizos entre todas as Administracións públicas.

No marco do Plan de modernización da Administración autonómica, a Xunta impulsou os servizos dispoñibles no nodo de interoperabilidade Pasaxe!. Pasaxe! é a plataforma tecnolóxica que permite o intercambio de información entre as administracións autonómica, estatal e local evitando ao cidadán achegar documentación que xa está en poder das administracións públicas.

SEGUNDO. A Lei 39/2015, de 1 de outubro, do Procedemento Administrativo Común das Administracións Públicas veu a sistematizar toda a regulación relativa ao procedemento administrativo, clarificando e integrando o contido das leis 30/1992, de 26 de novembro, de Réxime Xurídico das Administracións Públicas e do Procedemento Administrativo Común, buscando tamén a axilización dos procedementos cun pleno funcionamento electrónico. En virtude desta lei, os cidadáns e as cidadás poderían realizar todas as súas xestións administrativas por medios electrónicos. Desta forma, as administracións públicas quedaban obrigadas a ofrecer os seus servizos por internet, dispositivos móbiles ou calquera medio electrónico futuro.

LEXISLACIÓN APLICABLE

A Lexislación máis destacada do asunto é a seguinte:

- A Lei 7/1985, do 2 de abril, Reguladora das Bases de Réxime Local (art. 36.1.g).
- A Lei 39/2015, de 1 de outubro, do Procedemento Administrativo Común das Administracións Públicas.
- A Lei Orgánica 3/2018, de 5 de decembro, de Protección de Datos de Carácter Persoal e garantía dos dereitos dixitais.
- O Real Decreto 4/2010, de 8 de xaneiro, polo que se regula o Esquema Nacional de Interoperabilidade no ámbito da Administración Electrónica.
- O Real Decreto 3/2010, de 8 de xaneiro, polo que se regula o Esquema Nacional de Seguridade no ámbito da Administración Electrónica.
- A Resolución de 28 de xuño de 2012, da Secretaría de Estado de Administracións Públicas, pola que se aproba a Norma Técnica de Interoperabilidade de Protocolos de intermediación de datos que establece o modelo operativo da interoperabilidade a nivel nacional.

Código Seguro de Verificación	IV6TU2XINYEC7NOD5V7EONJHCQ	Fecha	15/02/2019 12:45:58
Normativa	Este documento incorpora firma electrónica reconocida de acuerdo a la ley 59/2003, 19 de diciembre, de firma electrónica		
Firmante	MARÍA ESTHER ÁLVAREZ MARTÍNEZ (Secretaria Xeral)		
Firmante	ARGELIO FERNÁNDEZ QUEIPO (Presidente (firma Delegada P.d. Decreto de Data 16/04/2018))		
Url de verificación	https://etramite.deputacionlugo.org/verifirma-lugo/code/IV6TU2XINYEC7NOD5V7EONJHCQ	Página	1/3



- A Resolución do 22 de abril de 2014, da Dirección Xeral de Avaliación e Reforma Administrativa e da Axencia para a Modernización Tecnolóxica de Galicia, pola que se aproba a versión 1.1 das Guías para a habilitación electrónica de procedementos.
- O Plan de Administración e Goberno Dixitais Horizonte 2020 da Xunta de Galicia.

CONSIDERACIÓNS XURÍDICAS

PRIMEIRA. A INTEROPERABILIDADE

De acordo co artigo 28.2 da Lei 39/2015, de 1 de outubro, do Procedemento Administrativo Común das Administracións Públicas os interesados non estarán obrigados a achegar documentos que fosen elaborados por calquera Administración, con independencia de que a presentación dos citados documentos teña carácter preceptivo ou facultativo no procedemento de que se trate, sempre que o interesado expresase o seu consentimento a que sexan consultados ou solicitados os devanditos documentos. Presumirase que a consulta ou obtención é autorizada polos interesados salvo que conste no procedemento a súa oposición expresa ou a lei especial aplicable requira consentimento expreso.

SEGUNDA. DO FUNCIONAMENTO DA INTEROPERABILIDADE

A Resolución de 28 de xuño de 2012, da Secretaría de Estado de Administracións Públicas, pola que se aproba a Norma Técnica de Interoperabilidade de Protocolos de intermediación de datos; establece o modelo operativo da interoperabilidade a nivel nacional, así como os roles e actores que participan durante a realización dunha consulta interoperabilidade:

Cesionario: Organización autorizada a consultar determinados datos da cidadanía en poder dun Cedente

Requirente: Facilita a consulta dos datos desde un punto de vista tecnolóxico.
Nodo IOP: Xestiona e ordena a relación entre Cesionarios e Cedentes e as súas comunicacións. Asegura a integridade da información intercambiada e habilita a comunicación entre axentes (a plataforma PasaXe! actúa como Nodo).

Emisor: Facilita a cesión dos datos desde un punto de vista tecnolóxico

Cedente: Organización que posúe datos relativos da cidadanía que outra poida necesitar.

O Real Decreto 4/2010, de 8 de xaneiro, polo que se regula o Esquema Nacional de Interoperabilidade no ámbito da Administración Electrónica recolle o glosario de termos e define o Nodo de interoperabilidade como o organismo que presta servizos de interconexión técnica, organizativa e xurídica entre sistemas de información para un conxunto de Administracións Públicas baixo as condicións que estas fixen.

A Xunta de Galicia deu o primeiro paso ao iniciar un proxecto para a construción dun nodo de interoperabilidade para a Administración pública galega, PasaXe!.

Código Seguro de Verificación	IV6TU2XINYEC7NOD5V7EONJHCQ	Fecha	15/02/2019 12:45:58
Normativa	Este documento incorpora firma electrónica reconocida de acuerdo a la ley 59/2003, 19 de diciembre, de firma electrónica		
Firmante	MARÍA ESTHER ÁLVAREZ MARTÍNEZ (Secretaria Xeral)		
Firmante	ARGELIO FERNÁNDEZ QUEIPO (Presidente (firma Delegada P.d. Decreto de Data 16/04/2018))		
Url de verificación	https://etramite.deputacionlugo.org/verifirma-lugo//code/IV6TU2XINYEC7NOD5V7EONJHCQ	Página	2/3





TERCEIRA. INTEGRACIÓN NO PROCEDIMENTO ADMINISTRATIVO

O acceso aos documentos debe ser pertinente e estar autorizado, é por iso que é fundamental a xestión das autorizacións correspondentes:

- O organismo cedente dos documentos autoriza o consumo dun servizo, en base á pertinencia de petición dun documento nun procedemento administrativo.
- O interesado pode denegar a consulta desa información. Os formularios deberán adecuarse para recoller a posibilidade de rexeitar o consentimento. Esta denegación do consentimento pódese facer en calquera fase do procedemento. Neste caso a cidadanía debe achegar a documentación.

Por medio deste procedemento o Organismo prevé o acceso aos servizos de interoperabilidade, xustificando a súa pertinencia e aprobando a autorización.

En base a todo o anteriormente exposto e conforme o principio de actuación da interoperabilidade dos medios electrónicos e sistemas e prestación conxunta de servizos aos cidadáns, proponse:

PRIMEIRO.- Aprobar o catálogo de procedementos e servizos que presta a Deputación de Lugo que se relacionan no anexo para os que non será necesario que os cidadáns aporten a documentación, que se comprobará no nodo de interoperabilidade Pasaxe! segundo a correspondencia indicada no ANEXO I. Para futuras incorporacións de procedementos e/ou servizos ao catálogo será necesaria a aprobación mediante resolución de presidencia. Os catálogos serán publicados na sede electrónica da Deputación provincial onde estarán accesibles ao público de forma permanente.

SEGUNDO.- Adaptar os formularios dos distintos procedementos indicados para facer efectivo o dereito dos cidadáns de non achegar documentos que fosen elaborados por calquera Administración, con independencia de que a presentación dos citados documentos teña carácter preceptivo ou facultativo no procedemento de que se trate”.

Polo anteriormente exposto e, en uso das facultades que lle confire a esta Presidencia o artigo 34 da Lei 7/1985, do 2 de abril, reguladora das bases do réxime local, **RESOLVO:**

Prestar aprobación á proposta anteriormente transcrita en todas as súas partes.

O PRESIDENTE,
P.D. Decreto de 13-02-2019
O VICEPRESIDENTE,

A SECRETARIA,

Asdo: Argelio Fernández Queipo

Código Seguro de Verificación	IV6TU2XINyec7NOD5V7EONJHCQ	Fecha	15/02/2019 12:45:58
Normativa	Este documento incorpora firma electrónica reconocida de acuerdo a la ley 59/2003, 19 de diciembre, de firma electrónica		
Firmante	MARÍA ESTHER ÁLVAREZ MARTÍNEZ (Secretaria Xeral)		
Firmante	ARGELIO FERNÁNDEZ QUEIPO (Presidente (firma Delegada P.d. Decreto de Data 16/04/2018))		
Url de verificación	https://etramite.deputacionlugo.org/verifirma-lugo//code/IV6TU2XINyec7NOD5V7EONJHCQ	Página	3/3



ANEXO I. CATÁLOGO DE PROCEDIMENTOS E SERVIZOS.

